



Янна Терманнинг «Умид» юлдузи

Келгуси сонларда ўқинг



Ишловчи аёллар меҳнатига розими?

Келгуси сонларда ўқинг

Юрт тараққиёти йўлида бирлашайлик!

Ishonch

2019 йил 10 январь • пайшанба • № 5 (4134)

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: xatlar@ishonch-doverie.uz



Президентимиз ташаббуси билан халқимиз ҳаётини янада фаровонлаштириш, юртимизнинг туман ва шаҳарларини обод масканларга айлантириш, шунингдек, давлат ҳокимияти органлари ҳамда мутасадди раҳбарларнинг аҳоли билан бевосита мулоқотини йўлга қўйиш орқали мавжуд муаммо ва камчиликларни бартараф этиш мақсадида ташкил этилган Жамоатчилик комиссиясининг фуқаролар билан мулоқотлари Юнусобод туманида давом этмоқда.



«Буюк Турон», «Минор», «Мирзо Улуғбек», «Матонат» маҳаллалари аҳли иштирокидаги учрашувда Ўзбекистон касаба уюшмалари Федерацияси раиси, Жамоатчилик комиссияси раҳбари Қудратилла Рафиков тумандаги ҳолатни таҳлил қилар экан, қилинган ишлар ҳамда истиқболдаги вазифаларга эътиборни қаратди.

Шундан сўнг маҳаллалардаги мавжуд ҳолатни ўрганиш, уйма-уй юриб хонадонлардаги

вазят билан танишиш мақсадида ташкил этилган ишчи гуруҳ томонидан аниқланган масалалар ҳамда маҳалла фуқароларининг мурожаатлари тингланиб, мутасаддилар ҳукмига ҳавола қилинди.

Жумладан, «Буюк Турон» маҳалласида 1930-1935-йилларда қурилган кўпқаватли таъмирталаб ҳолга тушиб қолган уйлар мавжуд. Уй-жойга муҳтож оилалар бор. Бундан ташқари, маҳалла ҳудудида қу-

рилиш ишлари кетаётгани тўғрисида айрим хонадон эгалари юзга келаётган ноқулайликлардан норози эканини билдиришди. Шу маҳаллада яшовчи Гулнара Абдуллаеванинг айтишича, 1-уйда марказий иштиш тизимида тез-тез узилшлар бўлади. Бир неча марта тегишли ташкилотларга мурожаат қилишганига қарамай, ҳалгача ижобий натижа бўлгани йўқ.

«Матонат» маҳалласида за-

Мулоқот давом этади



Жамоатчилик комиссияси Юнусободда

Илҳом Хасенов олинган суратлар

ТАФСИЛОТ

Мамлакатимиз ижтимоий ҳаётига тааллуқли энг муҳим воқеа-ҳодисалар «Ishonch» нигоҳида

НИХОДАН ЎТИШ ОСОНЛАШДИ

Эндиликда фуқаролар порталдаги шахсий кабинетлари орқали онлайн тарзда никоҳдан ўтиш ҳақидаги ариза билан ФХДБ бўлимига мурожаат этишлари мумкин. Бу ҳақда Давлат хизматлари агентлиги Матбуот хизмати маълум қилмоқда.

Никоҳланувчи шахслар ўзларининг электрон рақамли имзоси билан ягона интерактив давлат хизматлари портали орқали никоҳни қайд этиш учун ариза беради, – дейди Давлат хизматлари агентлиги бўлим бошлиғи Давронбек Равшанбеков. – ФХДБ бўлими масъул ходими «ФХДБ ягона электрон ахбороти» тизими воситасида аризани қабул қилади ва никоҳланувчиларга электрон шаклда тиббий кўрикка йўлланма ҳамда никоҳни қайд этиш мuddати ҳақида маълумот юборади.

Шундан сўнг фуқаролар никоҳни қайд этиш кунини ФХДБ бўлимига ўзларининг шахсини тасдиқловчи ҳужжат – паспорт билан боришади.

ШУНИСИ ЕТМАЙ ТУРУВДИ: «КЎРШАПАЛАК УЯСИ»

Кейинги пайтларда ижтимоий тармоқларда, хусусан, «Фейсбук» саҳифаларида янги молявий пирамида – «Кўршапалак уяси» оммалашаётгани ҳақида гапирилмоқда. Телеграммдаги «davletov.uz» каналининг хабар беришича, бозор, чойхона ҳамда жамоатчилик масканларида нотаниш одамларнинг кўршапалак уяси сотиб олаётгани, бу орқали катта пул ишлаш мумкинлиги тўғрисидаги миш-мишлар қулоққа чалинапти.

«Совун пуфаги сингари шишириладиган бу каби схема-лардан фақат пирамида пойдеворида турганларгина манфаатдор бўлади, пирамида ҳаётининг қолган барча босқичларида қўшилганлар фақат қурбон бўлиш функциясини бажаради», – деб оголантирилади хабарда.

Олди-сотди объекти қобийига ўралган чалғитувчи пирамидалар илгари гирялар ва тикув машиналари мисолида намоён бўлган. Эслатиб ўтамиз: кўршапалак уяси ҳам, гиря ҳам, эски тикув машиналари ҳам қиймат манбаи эмас, уларни сотиб олиш орқали иқтисодий, нумизматик ёки тарихий қўшимча қиймат яратилмайди. Буларнинг барчаси йўқни бор қилиб кўрсатиш, холос.

ФЕРМЕР ХЎЖАЛИКЛАРИДА ЯНГИ ЛАВОЗИМ

Хукумат қарори билан «Фермер хўжаликлари ташкилотларида меҳнатни муҳофаза қилиш хизматини яратиш ва фаолиятини ташкил этиш тартиби тўғрисида»ги низом тасдиқланди.

Унга мувофиқ, иш берувчи ташкилотда меҳнатни муҳофаза қилиш ва йўл ҳаракати хавфсизлиги хизматларини ташкил қилиши шарт.

Якка тартибдаги тадбиркорлар, шунингдек, фермер хўжаликларида меҳнатни муҳофаза қилиш бўйича мутахассис лавозими жорий этилади ёки хизмат функцияларини бажариш махсус тайёргарликка эга ходимга топширилади.

Хизмат ходимлари иш берувчидан бундай турдаги ишни бажаришга рўхсати бўлмаган, тиббий кўрикдан ўтмаган, меҳнатни муҳофаза қилиш бўйича йўриқномаси йўқ, шахсий ҳимоя воситаларидан фойдаланмайдиган шахсларни ишдан четлатишни талаб қилиш ҳуқуқига эга.

ПРОПИСКАГА ҚЎЙИШ... ЭНДИ МУАММО ЭМАС!

Фуқароларни доимий прописка қилиш ва пропискadan чиқаришга доир давлат хизматини кўрсатишнинг маъмурий регламенти лойиҳаси ишлаб чиқилди ва regulation.gov.uz сайтида жойлаштирилди.

Ушбу маъмурий регламент фуқароларни Қорақалпоғистон Республикаси ва вилоятларда (Тошкент вилояти ва Тошкент шаҳридан бўлак) доимий прописка қилиш ва пропискadan чиқаришга доир давлат хизматини кўрсатиш тартибини белгилайди. Маъмурий регламент орқали фуқароларга композит хизмат, яъни бир вақтнинг ўзида туркум хизматлар кўрсатилиши режалаштирилмоқда. Жумладан, фуқаро доимий пропискadan чиқиш ёки прописка қилиш учун Давлат хизматлари марказларига қилган мурожаати орқали бир вақтнинг ўзида унга доимий пропискага доир хизмат билан бирга ҳарбий ҳисобга қўйиш ва ундан чиқаришга доир хизматлар ҳам кўрсатилади.

Ушбу хизмат жорий йилнинг дастлабки чорагидан ҳаётга татбиқ этилиши режалаштирилган.

Кўзгу

МУРОЖААТЛАР: БЕПИСАНДЛИК ҚАЧОНГАЧА?

Ўтган йили тахририят почтасига 200 га яқин мурожаат келиб тушди. Улар асосида 139 та танқидий материал тайёрланиб, газетада чоп этилди. Қолган мурожаатлар тегишлилиги бўйича давлат идоралари ва бошқа ташкилотларга юборилди. Уларда баён этилган муаммоларнинг аксарияти ўз ечимини топгани кувонарли, албатта. Лекин давлатимиз раҳбарининг Парламентга тақдим этган Мурожаатномасида таъкидланганидек, «йил мобайнида амалга оширган ишларимиз рўйхатини узоқ давом эттириш мумкин. Лекин бундай мисолларни келтириш, қайд этишдан мақсад – ўтган бир йиллик тараққиёт йўлимизни холисона ва танқидий баҳоладан иборат».

3 >

Шахсий фикр

Биринчи мақола

КОНУН ТИЛИ ХАЛҚОНА БЎЛСА...

Коллеж ўқувчиси тенгдошига тиг урди... Жисмоний тарбия ўқитувчиси ўқувчининг тоғаси томонидан пичокланди... Хоразмда ўри сазойи қилинди... Автотураргоҳда бир йигитни уч киши дўппослади... Кишини ларзага соладиган хабарлар оқими бу билан тўхтамайди, шиддат билан яна давом этади: бу қандай гапки, 14 нафар ўқувчи бир бўлиб тарих ўқитувчисини калтаклаган. Оқибатда ўқитувчи жиддий тан жароҳати билан касалхонага ётқизилган...

4 >

Соғлом авлод – юрт бойлиги

Ойдин йўл манзилга элтади



Бугунга келиб мамлакатлар ва халқлар билан бир қаторда умуминсоний манфаатлар ривожига ҳам сезиларли даражада кучайди. Айнан шу паллада Ўзбекистон тараққиётнинг

устувор йўналишларини таъминлашга қаратилган ислохотларни аниқ-равшан белгилаб олган ҳолда дунё ҳам-жамиятининг эътиборини қозониб бораётди.

2 >

Менга сўз беринг

Мактабгача таълим тизими узлуксиз таълимнинг бирламчи, энг асосий бўғини ҳисобланади. Мутахассислар фикрича, инсон умри давомида оладиган маълумотларнинг 70 фоизи 5 ёшгача бўлган даврга тўғри келади. Айнан шу даврда болада илк кўникма шаклланади. Мактабгача таълим тизимида сифатли тарбия топган бола умумтаълим мактабига ортиққа қийинчиликсиз мослашади.

Эртанги кун шуъласи

Мактабгача таълим вазирлиги ташкил этилганига ҳам бир йилдан зиёд вақт ўтди. Мамлакатимизда қарийб 1000 та болалар боғчаси қурилиб ишга туширилгани, мактабгача ёшдаги болаларнинг 35,4 фоизи таълимга жалб этилиб, умумий қамров аввалги йилга нисбатан 7 фоиздан ошгани, бу масканларда таълим мазмуни сифат жиҳатдан янгиланиб, илғор дунё тажрибаси кенг жорий этилаётганини чинакам инқилобий ўзгариш деб баҳолаш мумкин.

3 >



